

Upravni odbor Fonda zdravstvenog osiguranja Brčko distrikta Bosne i Hercegovine, na osnovu člana 40 stav (3) Zakona o zdravstvenom osiguranju Brčko distrikta BiH („Službeni glasnik Brčko distrikta BiH“, broj: 19/20 – prečišćeni tekst) i člana 13 stav (1) tačka f) Statuta Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 17/07, 1/08, 3/15, 7/15, 41/16, 42/17 i 50/18), na 30. redovnoj sjednici održanoj 12.03.2024. godine, donosi

**PRAVILNIK  
O IZMJENAMA I DOPUNI PRAVILNIKA O NAKNADI PUTNIH TROŠKOVA OSIGURANIH LICA  
FONDA ZDRAVSTVENOG OSIGURANJA BRČKO DISTRIKTA BiH**

**Član 1.**

(1) U članu 3 Pravilnika o naknadi putnih troškova osiguranika Fonda zdravstvenog osiguranja Brčko distrikta BiH, broj: 015-180/7-000022/08 od 22.04.2008. godine, broj: 015-180/7-000022/08-1 od 27.02.2013. godine, broj: 015-180/7-000022/08-2 od 28.07.2015. godine, stav (2) se mijenja i glasi:

„(2) Naknada troškova prevoza pripada i pratiocu osiguranog lica kada je po ocjeni ljekarske komisije Fonda potreban pratilac, u visini 50% iznosa, koji se odobrava osiguranom licu koje se upućuje radi obavljanja zdravstvenih usluga izvan Brčko distrikta BiH.“

(2) Iza stava (8), dodaje se stav (9), koji glasi:

„(9) Komisija za upućivanje osiguranih lica Fonda na korištenje usluga van zdravstvenih ustanova Brčko distrikta BiH može opravdati odlazak osiguranog lica u zdravstvenu ustanovu izvan Brčko distrikta BiH, radi ostvarivanja zdravstvene zaštite, po zahtjevu osiguranog lica u slučaju kada isto lice nije bilo rješenjem Fonda upućeno na obavljanje zdravstvenih usluga. Troškove prevoza nastale prilikom odlaska u zdravstvenu ustanovu izvan Brčko distrikta BiH, koji Komisija opravda, osigurano lice ostvaruje u skladu sa članom 4 ovog Pravilnika.“

**Član 2.**

Član 4 Pravilnika, mijenja se i glasi:

**„Član 4.**

„(1) Naknada troškova prevoza iz člana 3 ovog Pravilnika priznaje se u visini od 6,5 % cijene litra benzina dizel-EVRO 5 po pređenom kilometru, najkraćom relacijom od mjesta polaska do mjesta upućivanja, uključujući i relaciju pređenu od mjesta upućivanja do mjesta polaska.

(2) Cijena litre benzina iz stava (1) ovog člana određuje se na osnovu maloprodajne cijene litre dizel goriva na području Brčko distrikta BiH, a koja se utvrđuje od strane Direkcije za finansije Brčko distrikta BiH, na dan 31.08. tekuće fiskalne godine za narednu fiskalnu godinu. Iznos naknade troškova prevoza, odobrava se u skladu sa važećom cijenom litre benzina u vrijeme odlaska u mjesto upućivanja i povratka u mjesto polaska.

(3) Najkraća relacija od mjesta polaska do mjesta upućivanja i obratno utvrđuje se na osnovu podataka dobijenih iz Route planera Via Michellin.“

**Član 3.**

Ovaj Pravilnik stupa na snagu danom donošenja, a primjenjuje se od 18.03.2024. godine i objavljuje na službenoj internet stranici Fonda. Zahtjevi za naknadu troškova, zaprimljeni do dana početke primjene ovog pravilnika, rješavaće se po pravilima koja su važila do ovog datuma.

Broj: 015-180/7-UO-000022/08-3  
Brčko, 12.03.2024. godine

**DOSTAVITI:**

1. Direktor
2. Zamjeniku direktora
3. Stručnom savjetniku direktora
4. Šefovima Službi (x3)
5. Internom kontroloru
6. Šefu računovodstva
7. Evidenciji
8. Arhivi

**PREDSJEDNIK  
UPRAVNOG ODBORA**

**doc. dr. med. sc. Zoran Tošić, s. r.**